

編號 1 號

【耐命个黃蜚】李淑娟原作

黃蜚做得講係世界項最耐命个蟲仔，無論在仰仔个環境都做得生存。先生識講過：「人類出現在地球个三億年前，黃蜚个老祖先早就在這做竇也。」厥腳髀項硬仔个短毛當敏感，略略仔感受著毋著向黏時走到兩腳無揆地，一眨眼就看無厥蟲影。莫看佢細細隻仔，該斯係佢最驚个生物哦！

冬下頭一個半夜，佢本成壅等被骨在夢中同孫猴仔學習長生不老，拓拓風感覺著有麼个東西對吾个嘴角趨過去，癢癢！佢伸手一搯，摸著一個硬硬滑滑个殼，隨擘開目珠分醒也。阿姆哀唷！在吾个枕頭頂，一隻大黃蜚同佢兩對相，嚇到佢心寒膽顫，尿差一息洩出來。「啊！」一聲，擲直蛤蟆骸喊到大嫲聲。

「恁夜也蛇聲鬼噉，噉噉滾做麼个呢？」阿姆踅等開門入來。佢一看著救星來也，遽遽飄過去捕緝厥肚屎，硬硬會噉出聲：「黃……黃蜚！有黃蜚！」

順等吾个拈食指看啊去，佢既經使出飛簷走壁大法黏在白壁頂个黃蜚，就像一個著等金若若仔¹个嘶陸老²在該抹鬚搨派頭个老

¹ 金若若仔：音 gim' na na e'；金光閃閃的樣子。

先生。阿姆利利个眼箭射啊過去，手板盡遽抄起掣仔鞋，「啪！」一聲，搭到的準³！毋過大黃蜚也毋輸人，閉開薄翼使出舞空術，像子彈樣仔對等佢兜飛過來。

「啊！」佢嚇到噉噉殺天，遽遽飄上眠床，一時間添放忒自家既經超磅个體重，又盡命拈在眠床枋項砰飄幾下。這下慘也，毋知係眠床枋忒薄抑係佢忒大籬，噉噉一聲，眠床枋分佢蹬必也。

「眠床枋會分你蹬潔也，還毋遽啊下來……。」頭到八面威風个阿姆這下無心應戰，轉過身來「關心」佢這受災難民，拈起拓過黃蜚个掣仔鞋出力擊吾个腳囊肚。失膽个佢一看著鞋底還穩穩黏等黃蜚个一皮薄翼，顛倒飄到半天高。「砰！」一聲，衰過个眠床枋正式分佢蹬潔一大空，這下吾姆个面色看起來比黃蜚還較得人驚。

在阿姆个喝咄聲當中返生个黃蜚手爬腳蹶，一下就鑽入壁牆个細縫仔因命去也。下後佢措等阿姆燒暖个被骨緊想：毋知黃蜚精係同孫猴仔比賽長生不老，哪個會較厲害？

² 嘶陸老：音 se' bi lo'；外來語，西裝。

³ 的準：音 dag zun'；很準。

115 年全國語文競賽臺灣客語朗讀文章國中學生組（四縣腔）

編號 2 號

【棒球】郭亭好原作

電視報出臺灣隊拿著世界棒球十二強冠軍，所有個球員暢到捕共下又笑又噉。這個冠軍，臺灣等有三十二年恁久也。頒獎典禮放「中華奧會會歌」，去現場看比賽個臺灣球迷目汁濫泔跔等大聲唱，看轉播個佢乜感動到歸身雞嫫皮膨膨起。

想起還細個時節，佢兜莊項有一陣細人伴當興棒球，長透會湊等去練習打棒球。見知著哪時有棒球比賽個轉播，就會相湊帶等矮凳頭，去阿量伯個雜貨店共下看轉播。大家做下看到當入文，心情也會跔等中華隊個打擊同防守起起落落。看著中華隊打出安打抑係全壘打，佢兜會歡喜轟天¹，緊拓乳粉罐仔、嘶毋會煞，毋過若係分別隊得分，大家又會愁到會死唉無停。大家平常時打球仔無半撇，毋過到看轉播比賽個時節，儕儕都像係專業個球評，準講自家當會樣仔。

佢兜打球仔個球棒，係同賣山杉樹個阿財伯討個；球仔係學校先生無愛個網球；手落仔係佢兜用幾張舊報紙層共下摺出來個；球場就在阿明牯厰屋脣個空地，過用幾坵磚角做壘包，就暢

樂到耐毋得也。有一擺，佢兜當在該打棒球，烏狗仔阿旺看著佢兜個球仔，嘎開始發肉雄，球仔傳到哪佢就逐到哪，一下無注意，阿旺躍起來咬著球仔，就走落田肚去。佢兜為著同唯一个球仔逐轉來，哪還會顧得著該係人家辛苦耕個田，歸陣細人仔都飄落田肚逐阿旺。

在上坵田做事個阿和伯，看著佢兜歸陣蹴入田肚，大嫫聲哆人還逐等過來：「壞細孬、壞細孬！田蹴壞了了，無人教示係無？」哪知無逐無恁死，阿旺看著大家逐來，嘎走到暢、飄上飄落走分佢兜逐。就恁仔阿和伯逐佢兜、佢兜逐阿旺，同一坵好好個田蹴到歪哥淒又。該日轉夜了後，大家做下食著世大人準備個好料——「竹筍炒肉絲」，食到飽餵餵咧！

大也過後，雖然大家四散各地過等無共樣個生活，毋過轉莊下个時節，還係會湊共下泡茶坐寮，講起佢兜該有歡喜、有快樂、有目汁、有笑聲個童年。該下个佢兜雖然麼個都無，無錢買冰、無錢買零嗒、無錢買玩具，毋過佢兜有盡單純個快樂，還有盡珍貴個童年。

¹ 歡喜轟天：音 fon^ˊ hi^ˋ fang tien^ˊ；高興的聲勢猛烈。

【得人惱个木棉樹】邱碧蓮原作

學校肚籃球場脣，種有兩排盡大頭个木棉樹。逐年一到三、四月，木棉花開花个季節，開到當鬧熱，一樹頂紅啾啾盡好看。企在樹下看，紅色个花襯等白雲，有影靚到分人阿腦！錫到過路个人儕儕就講：「哇！實在還靚！還浪漫哦！」毋過麼人知，這花靚係靚，但係乜盡滅衰人。靚个背後，其實這係一場得人畏又分人頭那痛个惡夢。就係人講个：看花人哪知掃花个艱苦！

冷天个九降風，咻咻滾吹到樹頂个葉仔搖啊搖，搖等搖等就撥撥跌，跌到歸個籃球場淦淦个樹葉仔。負責掃籃球場个偈兜，日日就掃到嘴嘟鼻翹，時常打早就掃到歸身汗流脈落，像做乜麼个大頭路樣仔。這兜樹葉仔盡滅射人，任掃就掃毋俐，見擺正掃啊好，一陣風吹來，原本掃好个地方又一地泥个樹葉仔。籃球場鋪一層个落葉，像係蓋被樣仔。

春天來也，天時較燒暖兜仔，木棉花就開始大開，該像羽毛球火紅色个花蕊係另一種風情，實在講：分人阿腦得。地泥項不時就像有一層貴貴个「花毯」，假使係毋使掃，偈可能乜會欣賞佢兜个靚！這一蕊一蕊跌下來个紅色羽毛球，帶來另一種麻煩，

實在無結煞。

續下來，花謝也。跔等春天脚步漸漸行遠，棉絮也開始隨風飄散歸地泥。這兜白色个棉絮，又係另一種新个挑戰，佢兜飄在空中，還會跔等風散到滿哪仔，吹到哪黏在哪，逐隻角頭、背角就有佢兜該蹤跡。掃毋忒个棉絮，過敏个人，總係播目珠、總係哈啾噴天，實在當得人惱！半點就感受毋著哪位浪漫？棉絮季節過咧又開始掃樹葉仔、掃落花、掃棉絮，年視年恁樣過。偈投姐婆木棉樹恁得人惱，佢就講：「新娘靚係靚，拉屎得人驚。花仔跌下來，蹴著狗食屎。」凡事有一好無兩好。

一年透天，木棉樹帶來無共樣个面貌。冷天个落葉，春天个落花，跔等个棉絮，故所在這木棉花季節肚，毋單淨欣賞佢个靚，也在這掃除个過程中，學會耐心同堅持。每一擺清掃，都係同自然共處个一種方式，雖然當瘡，毋過也分偈俚感受欣賞著生活个好同壞。

【擲大索个智慧】徐熏嫻原作

這係盡尾一場个冠亞軍賽！

聽著「砰！」一聲，「1、2、殺！1、2、殺！」先生个聲哨踭等起，逐儕人雙手搭纏大絡索，身體向後橫，腳躡穩向後箭，手腋下夾等个係力頭，心跳聲在胸脯打鑼鼓，順等額頭流下來个，係增志想愛贏个汗水。

無想著，對手一路同佢兜擻¹等過，第一場个比賽嘎輸忒。毋甘願个心情全寫在面項，想著淨伸一擺个機會，大家个心臟嘖嘖飄，脣項加油个同學乜喊到抽骸另命。先生愛佢兜心沉穩、敢大氣，聽節奏使力頭，雙腳愛像釘在地泥項，每一步都穩穩箭等勝利个影仔，總算擻轉拚第三場个機會。

第三場个銃聲「砰！」又響起，大家扭轉同心協力个信心、共下喊出「1、2、殺！1、2、殺！」「一步一步退後，就係一步一步向前」，這句話乜在吾个耳公脣響起。擻過來又擻過去个大絡索，就像一尾趟過來又趟過去个蛇哥，看等這尾蛇哥強強就愛溜過去哩！同學个加油聲緊來緊大聲，親像搵手拉等該條紅索中

心線，定定仔又佷過來，再聽著「砰！」一聲，世界嘎恬忒一秒，黏時歡喜靄天，大家都暢到跳起來，鼓聲四起。無毋著！佢兜擻贏最尾个一場勝戰！

恁想這學期學校舉辦班際擻大索比賽，運動坪項輒常看著當多班級在該練習。該駁仔先生在體育課教大家認識擻大索个基本規則同技巧，盡記得先生講：「擻大索，毋係比麼儕人較大力，係比哪隻班級較團結！」這句話，聽起來當簡單，愛做出來斯無恁該，為著培養大家團結合作个精神，每一擺个練習，有同學个手巴掌起水膘、有同學个腳膝頭鑪到疤疤，無就跌到四腳惹天哇哇滾。毋過，無人講愛放棄。

這擺比賽珍貴个畫面，都係佢兜向前邁進个痕跡。拉起大索，佢兜學習愛仰般共下來敢氣，愛仰般來集中力頭，愛仰般堅持自家个定位，相信隊友。這毋係後退，係前進，用倒退來換轉勝利，共心正做得扭轉局勢，欠一儕人都做毋得。

每一場擻大索比賽，毋單淨係體能个輸贏，還較係意志个考驗。佢兜用團結合作書寫了一場奮鬥个篇章，乜分佢學習著「向後退一步，就係向前進一大步！」个人生智慧。

¹ 擻：音 dui²；拉。

編號 5 號

【搖出味來】林芊慧原作

講著「涼水」，你會想著麼个？佢想大部分个人定著黏時就想著手搖杯。對佢來講，涼水毋單淨止渴，還較像係一種分人輕鬆、歡喜个幸福。毋管係放學後同朋友共下買一杯來緊行緊啉緊打嘴鼓，或者係考試考忒同自家鼓勵一下，一杯涼水，總做得帶分佢一隻好心情。

佢盡中意个涼水係珍珠乳茶。乳茶該種醺醺个味緒，加上承牙个珍珠，見擺食著个時節，歸日仔个煩惱就會毋見忒，噉珍珠該種感覺，毋知仰仔就係分人盡滿足。

毋過，學校健康教育課乜輒常提醒佢兜：這下盡多涼水糖分都當高，假使逐日都啉涼水，可能會變到肥卒卒仔，還過會有蛀牙个問題。除忒講對佢兜个身體毋好，學校先生還提醒佢兜環保个問題。先生講：「你啉一杯涼水歡喜十分鐘，地球可能愛花幾下十年正做得分解該兜塑膠杯仔、封膜、啞管。尤其當多人都亂擲，最尾可能會分海洋裡背个動物食著，嚴重个話還會害佢兜死忒。」聽地佢正發現：原來佢兜每日啉个一杯涼水，乜因等恁多問題。

故所，吾屋下開始做一息仔改變。比將講，吾姆這下會自家泡茶、打果汁，還會做仙人板加牛乳，又萋又康健。這下佢乜會帶自家个環保杯仔去買涼水，還做得省五個銀呢！

涼水有無共樣个口味，就像人生共樣。有人中意甜个、有人中意酸个、有人中意醺醺个乳茶、有人中意爽口个冷泡茶。就像佢兜每一儕人个人生，乜無可能單淨一種味緒。有時節係甜个——像係考試打頭名、朋友送你生日禮物；有時節係酸个——像同朋友冤家；有時節係苦个——像考試壓力大。

因為有這兜無共樣个味緒，人生正有層次、有故事，就像啉地一口略略仔苦苦个醺茶後，顛倒會較珍惜下一口甜甜个奶波。生活肚無可能逐日都順序，乜無可能日日都快樂，假使佢兜願意體會這兜酸甜苦辣，都係佢兜成長个一部分。

涼水做得帶分人快樂，毋過佢兜絕對乜愛學會選擇對身體好个，對地球友善个，過加愛知得節量。就像人生共樣，毋係追求「越多越好」，係「堵堵好最好」。

編號 6 號

【 佢係細市長 】周昱原作

還細个佢，最熟事个，毋係哪間補習班抑係才藝班，係鬧熱、充滿人情味个夜市仔。

為著分佢有較好个生活，阿姆日時頭在田項做事，臨暗頭又愛趕緊去夜市擺攤仔賣耳環、皮包仔、夾仔這兜。美濃¹夜市、高樹夜市、六龜夜市……，哪片有人，哪片就有阿姆个身影。阿姆雖然逐日春上春下，毋過佢無聽過佢喊苦。佢「齧等牙根擔得硬，擲等草根上得崁」个精神，係佢一生人个榜樣。

該時節佢正讀國小，阿姆總會駛等厥該臺廂型車來接佢下課。該臺車仔就像一個細型个倉庫，裡背堆到噶塞个貨同鐵架仔，毋過，阿姆就像魔術師樣仔，用厥巧手「變」出一個細空位分佢坐。雖然當尖、當壞坐，毋過佢還係會療到緊啄咕，係講佢無睡忒，佢就會同阿姆搵下貨、擺攤仔。當然，有時節佢會詐勢²睡忒，享受一下「分阿姆惜」个特權。

攤仔排³好勢，佢會拜託阿姆分佢八十個銀，去買佢最好食个

雞排。行去雞排攤个時節，會順續「巡邏」歸個夜市仔、「監督」大家有認真做生理無，故所大家都喊佢「夜市仔个細市長」。涼水攤个阿姨會搵手喊佢去：「市長，這杯珍珠乳茶請你啉！」賣 QQ 卵个頭家也會熱情講：「阿弟牯，這包分你拿轉去同若姆共下食！」該時節个佢，手項拿等食个東西，心肝肚裝湊快樂同沙鼻。

夜市仔也係佢第一擺「賺所費」个地方。逐擺隔壁賣香酥雞个頭家人手毋罇，就會喊佢去搵手落袋、秤斤兩，做兜簡單个事頭，三點鐘就賺著三百銀。對當時還細个佢來講，就像係著頭獎三百萬樣仔，暢到耐毋得。係講頭家無尋佢，佢就留在阿姆个攤仔項搵手⁴人客、收錢、找錢，順續當臭屁个等人客阿腦佢。佢兜總係笑等講：「你除忒毋曉駛車仔，還有麼个毋會个？」該時節个佢，鼻公既經翹到嫦娥該片去吔。

夜市仔，毋單淨係佢食夜、挾所費个地方，還較重要个係，該位有佢同阿姆兩子哀快樂个回憶。這下大了以後，每擺行入夜市仔，看著一葩一葩个電火、一個一個無閒泊杈个身影，總會想起頭擺該段日仔、該兩子哀个身影——在夜市仔巡來巡去个細市長、用雙手撐起歸個屋下个阿姆。

¹ 美濃：音 mi^ˇ nung^ˇ；高雄市美濃區，舊稱「瀾濃」，日治時期改稱「美濃」。

² 詐勢：音 za sii；假裝。

³ 排：音 bai^ˇ；照順序擺列。

⁴ 啉：音 iui；喊叫，此處為「吆喝吸引客人」的意思。

115 年全國語文競賽臺灣客語朗讀文章國中學生組（四縣腔）

編號 7 號

【西瓜錫烏蠅】李怡蘋原作

佢讀小學個時節，逐年暑假爺哀都會載佢去姐公屋下寮一、兩隻月。記得有一擺，阿爸駛車仔經過西瓜田，佢看著該西瓜一粒一粒在路脣疊到高高，脣項一埕牌仔寫等「一粒 100 箍」，阿姆黏時講：「啊哦，仰恁便宜，摘個工錢都毋罅哦！」就喊阿爸同車仔停下來，擇咗一粒大西瓜帶去姐公屋下。

到咗臨暗仔天時還係當翕熱，食飽夜過後，大家將就兜幾張凳仔到大樹下寮涼、打嘴鼓。佢在灶下同姐婆搵手，同該粒大西瓜破做一矚一矚。姐婆最惜佢，看吾口涎水都會跌下來咧，就先切一埕分佢食。哇！沙沙、甜甜又透心涼，還好食哪！佢遽遽兜去大樹下，大家一矚食過又一矚，食到舐嘴攞鼻。這時，佢在耳公脣聽著「噏——噏——」個聲，原來係一隻烏蠅，怕係分西瓜個甜味錫著，就在吾脣項飛上飛下。佢認食西瓜哪有時間搭佢，就儘採用手拂兩下想愛同佢拂走，無想著過無一下仔，這毋知死個烏蠅又飛過來噏噏噏噏，實在還得人惱。

人講媿媿馬乜有一步踢，天生萬物都有厥個優點同用處，像勤勞個糖蜂仔會採蜜，靚靚個揚蝶仔做得分人欣賞，做麼個這烏

蠅就無半點好呢！生到賊仔樣，兩粒目珠仁大大粒，歸身又烏疏疏仔，淨會滿哪仔烏蠅掛烏蠅啄，害人局痢肚。佢輒聽著大人講「有人放符就有人收。」斡頭就問姐公：「阿公，頭擺個人都會在屋下畜一隻貓仔來捉老鼠仔啊，你講這烏蠅最驚麼个呢？俾來畜一隻，恁仔就毋驚烏蠅來作怪咧！」阿爸在邊脣聽著詐戲仔撩佢講：「該恁俚……畜一隻蜷崎好無？」阿姆哀哦！莫講笑哪，一個得人惱、一個又得人驚，半斤八兩無較贏！

佢話都言講煞，該隻烏蠅又飛轉來咧，還掛在西瓜頂頂。佢目盯盯仔看等佢飛啊飛仔，盡尾停在凳頭頂。欸，機會來哩，佢煞煞抄起報紙對準準就愛搭過去……。啊！分佢飛走哩。佢喊阿爸遽遽來搵手，老弟乜興嘟嘟仔來鬥鬧熱。大家七手八腳，姐婆看著笑等講：「毋使恁無閒，遽遽同西瓜皮收收起來，莫放在該錫烏蠅較有影哪。」

係哦，臭肉錫烏蠅！佢煞煞同西瓜皮放入垃圾袋，過緝到緝緝，恁樣這得人惱个烏蠅就無戲好唱哩喲。

115 年全國語文競賽臺灣客語朗讀文章國中學生組（四縣腔）

編號 8 號

【雞卵花】鍾孝昇原作

這駁仔行過社區个公園，看著雞卵花又開咧。香味隨風飄，白花黃心，落在石頭路項，就像一粒粒切開來个水煮卵，分人停下腳步，定定仔欣賞。

佢跔下來，拈起一蕊正跌下來个雞卵花。佢雖然既經離開樹極，毋過無綿忒，還係白淨白淨，有陣陣个清香味。這蕊花，黏時就分佢想起，前幾日學校舉辦个「動福卵」活動。

該日，佢兜邀請著來自龍潭「北一農場」个劉大姊，分享「友善飼養」个觀念。佢表示：雞仔若係畜在籠仔肚，無法度自由行動抑係晒日頭，就會變到當緊張、三不二時就破病，生出來个卵，自然毋會健康。

佢還講：「臺灣現下真正友善飼養个雞卵，大概正兩成定定。大部分个雞卵，還係來自格仔籠个。『友善飼養』，係一種尊重生命个畜動物方式。」

這場活動，毋單淨係分學生仔了解動物个福利，也感動著家長。有一個阿姆人講：「原來每一粒雞卵背後，就有一隻雞嫲快

樂抑係悲哀个故事。下二擺去市場買雞卵，會過較支持『動福卵』。」

活動當中，細人仔還用「動福卵」做卵捲。有一個學生仔講：「係講雞仔會笑，佢生出來个卵，一定會過較康健。」聽著這句話，佢試著當感心。家庭教育日，佢兜教細人仔安心食東西个方式，也教佢兜關心生命个方式。

佢又想起舊年，學校同舊个雞棲改做「生命教育園區」个時節，也試辦過一隻祈福卡个活動。有一個學生仔寫：「希望雞嫲做得過著幸福个生活。」短短一句話，就展現出細人仔對生命个尊重同祝福。這正經就係佢兜做生命教育个目標——教細人仔對尊重一粒卵開始，了解生命个價值，學會溫柔對待世界萬物。

就像雞卵花个一生，花開代表出生，花落就係離別，雖然花落到地泥，毋過香氣還在。人乜共樣，係講一生對人有愛、做有意義个事，雖然有一日定著會離開，也會留下分人記得个身影。

望等公園滿地泥个雞卵花，想著佢這幾年為著細人仔設計生命教育課程，雖然過程當中，有時會堵著打擊，毋過，過較多个係感謝。因為佢知：有兜香氣，毋單淨係為著自家留存，還過有分人記得「送花分人手留香」个用途。